


Deftere Bikkon
Don sappina

Jahaale Bulus
Kaayniidfi



Windowo: Edward Hughes

**Didowo: Janie Forest
Alastair Paterson**

Mo'inowo: Ruth Klassen

Lornowo: The Bible Society of Nigeria


**Wanginowo: Bible for Children
www.M1914.org**

©2024 Bible for Children, Inc.


**Jarfuye: A don mari jarfu windugo mala wurtinugo tariya
ndu nder masin, to na je sippugo.**




**Bulus e Siila jaggoobe Yeesu
tiggaama saare tiggirgal.
Naa non, walaa aybe be wadi
sam, be wurtini ginnawol
nder debbo. Be holli
rewoobe labbi ngonbe
haa Filipi baawde Allah
goonga e Bidfo Yeesu. Ngam
du'um be
nangi be,
be bocci
be, be
mabbi be.**



A don yeela Bulus e
Siila yikkoto, mettoto.
Ammaa naa non. To
goonja kam, caka
jemma, be njoodi be
yima gimi mantuki
Allah! Goddi tiggaabe
e aynoowo tiggoobe
nani be.



Don e don gimi dīn dari. Allah leli dimmbande leddi
ngam dum dimmba saare tiggirgal maajum. Dammude
saare maajum fuu mabbiti, callalluuji mabbe fuu tayi.





**Ah-ah! Deemoowo
tiggoobe maajum
gasni tiggaabe ben
fuu doggi sa'i fii
du'um. To gooto
nder mabbe dadi,
deemoowo on hiitoto
kiita waade.
Jurumdum,
deemoowo on losi
kaafahi maako. O
mbaran hoore
maako ka saala non.**



**Ammaa Bulus noddi e
sembe, "Taa nawnu
hoore ma. Min fuu min
don." Sa'i deemoowo
ngi'i du'um, o wi'i,
"Moodibbe, ko ngadaymi
mi hisa?" Ngam maajum
be wi'i mo, "Nuddin
Jawmiraawo Yeesu, nden
a hisan an e saare ma
fuu." E seygo deemoowo
on nuddini.**






Nde weeti be njoofi be, sey
Bulus e Siila yilli berniji
duuddi, be don yecca
yimbe haala dow Yeesu.
Wodbe nuddini, wodbe
boo habdi nawniki be.
Ammaa Allah e wondi bee
jaggoobe mo. Jemmaare
feere Bulus hoosi sa'aji o
don wa'ajina. Derkeejo
joodido wurdere, nder
doydi teeti do'i. A
waawaan wi'go ko fe'i.




**Koo moy anndi
derkeejo do maayi.
Ammaa Bulus jippi,
njeji wuundii mo,
o don wi'a, "E mo
woodi yonki." Be
ngartiri derkeejo
on nder, o geeto, be
fuu be wadi seyyo.**



**Bulus e Siila yiidi bee bone duuddi nder jahaangal
mabbe nder leddi Tuurey. Woore nder bone burda
mawniki ngol hebi Bulus woni ko fe'i sa'i o don dow
komiwal. Di'i naa komiiji mawdi
di njahata dow teeku,
ammaa komiiji
di heendu
semmbindu
sedfa hoosata.**







Bulus nasti komiwal ngol, ngam o nangaama fahin. Jooni kam o wangoto yeeso Laamiido haa berniwol Roma, laamorde duuniyaaru. Heendu semmbindu hadi komiwal maajum yahuki e jaawal. Dum holli bana heendu mawndu don haa yeeso. Dum yaadu nawka haa Bulus e goddi tiggaabe haa bee huuwoobe nder komiwal maajum.



**Bulus sappani be wi'i, "Bandiraabe,
mi yi'i jahaangal nga'al timmirinan e
wonnere." Ammaa foodoowo komiwal
nga'al sali heditigo ko Bulus wi'i.
Sey be fuddi yaadu. Nde heendu
semmbindu fiyii be,
sey be kabbi boggi be
taari komiwal ngal
ngam taa ngal feccoo.
To ngol fecci, dum
laatan yeenande
ndiyam ngam
fuu.**



Hendu semmbindu ndun ngadi ka fiiki komiwal ngol, haa foodoowo on umri komoy usta dongal komiwal ka'an. Yaande tatawre, kambe bee ko'e mabbe ngudini ko be kuutirta nder komiwal ngol nder ndiyam. Teema dum wallitan.



**Nder jemmaare nde'e, malaa'ikaajo Allah dari yeeso
Bulus wi'i mo, koo dume laatan booddum. Wodbe ben
semmbidini sa'i Bulus wi'i, "Tiddine berde moodon,
ngam mi nuddini Allah dum laatan bana
no mi wi'a. Fuu e non, hendu yaaran en
haa duunde feere,
darna en ton."**



Balde sedda gada don, hendu yaari komiwal ngol haa duunde Malta. Komiwal ngo'ol fiyi kaa'e haa ndiyam luggay, sey ngo pusi. Mawdo sooja'en umri bawbe ndiyam arta nasta nastuki nder maajam be ngino be wurta leddi njoorndi. Luttudi boo dadi jam, wodbe dow ledde komiwal ngal e fecce maagal.



Allah holli baawde muudum haa
Malta. E be tefoya lekkon ngam
hubbuki yiite, sey mboondi nati
Bulus. Yimbe ben tammi o maayan.
Ammaa natol ndin ngaday mo koo
dume. Nden yimbe ben tammi
Bulus o dowenteewo. Nyawbe
duuddi ngari, Allah boo
nyawndi be gada
Bulus wadi do'a
ngam mabbe.



Haa ragare, Bulus yottake Roma. Dum hoosi duubi dīdī hiddeeko kiita maako nanee. Yaake man Bulus joodī saare dum yobata, o don jaba hobbe nder maari. A anndi haala Bulus yecci hobbe maako na? O yecci be haala dow laamu Allah! Jawmiraawo

Yeesu Almasiihu! Bulus laati jagganoowo Allah nder Roma, bana no dum laati haa goddī jahaale maako fuu.



**"Mi habi habre woonde, mi timmini samndondirgol am,
mi jogi nuddinki," Bulus windi dum nder Roma. Deftere
seeninde yeccay en no geendam maako laati haa ragare,
ammaa wodbe wi'i, Laammido Roma, mbi'etee'do Nero,
umri be itta hoore maako.**

**Bulus maayi darnde joonde
koolaado jagganoowo Allah,
o don yecca wodbe haala dow
Yeesu Almasiihu.**



Jahaale Bulus Kaayniidi

Tariya ha nder Wolde Allah, Deftere,

tawama ha nder

Kuude Lilaabe 16, 27, 28

"Damugal Wolde Mada don hokka jayngol."

Jaabura 119:130



Timminol



**Tariya Deftere ndu don wolwina amin do Allah
amin je boddo je taggi amin e je yidi ha en aanda Mo.**

**Allah aandi min ngadi kujeji kalludum, je O ewnatta hakke.
Eltare aybe dum wade, ama Allah yidi ma be gonga e O nelli
no Biddo mako je gooto, Yesu, ha o maya do Gafangal e be elta
Mo ngam aybe mada, Nden Yesu finni nder wade e dilli ha saare
ha asaman! To a don nuddina Yesu e emmi mo ngam ha O
yaffa hakkeji mada, O wadan dum. O waran e O wondan
be ma jonta, e a wondan be Mako ha abada.**

**To a tammi dum gonga, Yeccu do ha Allah:
Yesu am, mi don nuddina an woni Allah, e lati neddo ngam
mayugo ngam hakkeji am, jonta A don yedda fahin. Useini nastu
ha nde jonde am e yafanam hakkeji am, ngam ha jonde am sanja
jonta, e yende feere mi wonda be ma ha abada. Wallam ngam
hedditugo Ma e yedda ngam Ma bana biddo Ma. Amina.**

Jaangu Deftere e ngewtu be Allah tum tum! Yohonna 3:16

